

“ ڪوڪ توتئه شينھ را بسا پڻ پوکي مرئھ،

پڻ جيا منڪ ايشور مانھ پروسو راکئھ، اوتون نئھ ڪيڏي پڻ ڪيا شينھ رئي گهتتائي  
نئين تئھ” -

( گيت شاستر 10:34 )

زئيون تمارو وشواس ڪمزور تئھ، تئيون تمون نئھ تارڻ نئين زڙئھ ڪي؟

“ وات اي سئھ : پڳوون ڏنيا رون منڪون ٿي ايوو پريم ڪريو جي اوتھ آڀرو ڏيڪرو  
ڏيڏو ، جيو اوتھ رو هيڪئھ ڏيڪرو هتو، زم جي ڪوئي اوتھ مانھ وشواس راکئھ اُو  
هميش ري سزا ٿي پڇي زائھ، ان اوتھ نئھ هميش رو جيون زڙئھ” -

( يوحنا 16:3 )

### ايئا ڪتاب را پارام

اي ڪتاب ڊاڪٽر بلي گراھم را تيار ڪرل پمفلٽ Following Christ ٿي تيار ڪرل  
سئھ. وشواسي منڪون هارو ضروري سئھ جي ايئا ڪتاب ۾ لڪل شاستر ري واتون  
پرموتئھ وئھ. اي ڪتاب پويتر شاستر پرموتئھ نائوڪو نمونو سوندين نايوه، جي  
وشواسي منڪون نئھ ڏڪھ هڪ ۾ ڪم ڪرين ويوو ڪپئھ. جي هم ويشو تون تمي ضرور  
پڳوون را ڳيون ۾ وڌتا زاشو، ان پڳوون تمون نئھ ضرور آشرواد ڏيشي ان تمي ڏورووڻ  
رئھ توتئھ هيئا نئين ٿيو ان شيطون ٿي مقابلو ڪريا هارو پڳوون تمون نئھ هيٺ  
ڏيشي -

اي ڪتاب هر واشواسي را گهر ۾ هوو ڪپئھ، جيا ٿي تمارا ٻار پڻ شيڪشي جي  
وشواسيون رئھ ڪم ڪرين ويوو ڪپئھ -

مورو مل رانوڙ

پارڪري نات سڌار پروگوم

فهرست

نمبر	مضمون	پونيو نمبر
1.	وشواس ۾ پڪا ٿيا هارو ڪي ڪي ڪروو ڪپڻه؟	6
2.	هر روز پراٽنا ڪرو	7
3.	پويترا آتما مانه ڀروسو راکو	10
4.	ڀيزون وشواسيون پيڙا پڳڻي ڪرتا ريو	13
5.	ڀيزو رڻي شيوا ڪرو	18
6.	جي تمڀي ڀيٽائو - - -	22
7.	هوار را پاڳ هوار هارو	
8.	آزمتا ۾ آشيرواڌ	
9.	آزمتون ۾ الهائي مدت زڙشي	
10.	ڀيزون هومڻي ڀريو ايسو رڻي هاڪ پروو	
11.	ڏورووڻ رڻه توڻه	

هُون هايا رڻي عمر وڌاوين اُوئون ننه ڪش راکيه  
ان اُوئون ننه تارڻ ڏيهه.

( گيت شاستر 16:91-1 )

“ هُون اونسو زوئين ڏونگرون هومو زوئيه،

جي مارئي مدت ڪوڻ ڪرشي؟

جيئنه آڪاش ان ڌرتي ناوي.

اُو تارون پڳون ننه ترڪوا نئين ڌنه

تمارئي همپار ڪريا وارو ڪيڏي ننه اُونگهاتو.

ايشور جيو ڀڏي اسرائيل قوم رڻي همپار ڪرڻه

اُو نڪو ٿاڪڻه نڪو اُونگهائڻه.

ايشور آپ تمارئي رڪواڙي ڪرڻه

اُو تمارڻه زمڻه پاهڻه اُپياھ

ڏي رو تڙڪو تمون ننه ڏورو نئين لاڳڻه

نڪو رات رو انزوٽارو

ڪم تون ايشور تمون ننه هر پونڌائي ٿي پچاوتڻه،

تمارو جيو اوتا را هات ۾ سڻه

ايشور تمارئي هر توڻه ڪيئنه پڻ اوتون زاتون،

اوتون ڀيهتون همڻه ٿي لين هميش هُوڏي تمارئي رڪشا ڪرشي.”

( گيت شاستر 8:121-1 )

نڪو وڙي ڏي را۔

تمي نڪو رات راکوئي پيماري ٿي پياڻو،

نڪو وڙي ڏي را

پلئه تمارئه پاهئه هزار منڪ پڙي زائه،

ڪا وڙي زمئئه پاهئه ڏه هزار قوجي مري زائه،

توئي پڻ تمون نئه ڪئين نئين ٿئه۔

تمي آپريون اونڪيون ٿي زوشو، جي پونڌون ان ڪراپ منڪون نئه ڪيوئي سزا زڙئه۔

جي تمي پرميشور مانه پروسو راکو،

ايشور مانه آسريو راکيو راکو

تو تمون نئه ڪئين پڻ نقصون نئين ٿئه،

نڪو تمارئه پاهئه ڪوئي مصيبت آوشي۔

ڪم تون ايشور حڪم ڏين آپرا ڏوت ميلشي زم او هر وات ۾ تمارئي همپار ڪرشي

او تمون نئه آپري هاڻي اوبارئي ليشي

جي تمارون پڳون نئه ڪاڪرئي نه لاڳئه۔

تمي شينھ ان هاڻون نئه لتاڙشو،

ڪترناڪ موتا شينھ ان جهيربلا هاڻ لتاڙشو پرا

ايشور ام ڪئه “ جيا مون ٿي پريم ڪرئه

هون اوئون نئه پچاوي ان اوئون رئي همپار ڪريه،

ڪم تون او مارو نوم اوڙڪئه ان مون نئه مونئه۔

زئيون او مون نئه هاڻ ڏيشي، تئيون هون اوئون نئه رو هاڻ هومپريه۔

زئيون اوئون مانه ڏورا ڏي آوشي، تئيون هون اوئون پيڙو پيڙو ربه۔

هون اوئون نئه ڏوروئون ٿي پچاويھ ان اوئون نئه مون ڏيورايھ

### پريمي پايون ان پينون

هوءَ تمي وشواسي ٿي گياھ، تون هوءَ تمارئه ڪي ڪروو ڪپئه؟

پويتر شاستر ۾ پڳوون آپون نئه ڪئه:

“تمي پڳوون ري ڪريا ري ڪري پڳوون ري مرضي مانه وودا ۾ آڳر وڌو، ان آڻا

پريو ان پچايا واڙا ايسو ڪريست ٿي وڌارئه گهڻو واسطو راکتا ريو۔ اوئا را وڪون همئئه

ان هميش هوءَ ٿي تارئه آمين!”

(2 پطرس 3: 18)

زون آپون نئه وئئه تون پسئه آڻئه ڪي ڪروو؟ شڪر سئه جي آپون ڪنئه پڳوون را

پاها ٿي هيڪ ڪتاب ڏيڏل سئه، جيا ۾ شيڪومڻ ري الهائي واتون لڪل سئه۔ هاڻي

پويتر شاستر سئه، ان ايئا ننڪا ڪتاب ۾ پويتر شاستر ري الهائي واتون لڪل سئه۔ جي

آڻي هايون واتون مانه ويشون تون آپون نئه وشواسي جيون ۾ الهائي لاپ زڙشي۔

### پويتر شاستر ۾ لڪل سئه جي

“پويتر شاستر رئي هر هيڪ وات پڳوون را طرف ٿي سئه، ان ايئا هارو قائيدا واڙي

سئه جي منڪون نئه شيڪاڙئه، اوئون رو ڪرل ڏوه ڪاڏئه، اوئون نئه صحيح وات

هڙماوئئه، ان پڳوون ري وات مانه وودا رو نمونو ڏيڪاڙئه، زم پڳوون را شيواڌاري

پڪا ٿي زائه ان هر نائوڪو ڪوم ڪريا هارو تيار ٿئه۔

(2 ٿيمٿيس 3: 16-17)

ڪيڏي ڏوهه نه ڪريو. تيام آبي هيٺ راکينَ زوڻه پڳوونَ ري گهاڙي ڪن زائون ان  
 ڪريا ڪريا واڙا پڳوونَ ٿي پراٽنا ڪرون، زم پڳوونَ آيون مانه ڏٺيا ڪرڻه ان آيون مانه  
 ڪريا ڪرينَ آبي ضرورت ۾ آبي مدت ڪرڻه.”

(عبرانيون 16-15:4)

زئيون تمي الهائي ڏوروون ۾ هوڻو:

“ تمي آبي ٻڌي گنتي ايشور هومي راکو، تون او تماري همپاڙ ڪرشي، ان او آبي  
 وات مانه ويدا وازون نه ڪيڏي پڻ پڙوا نئين ڏهه.”

( گيت شاستر 22:55 )

زئيون تمي الهائي ڏوروون ۾ قاتل هوڻو:

“ جي ڪوئي ايشور مانه پروسو راکهه  
 جي ڪوئي پڳوونَ را سونڀيان هيٺ ره،  
 او تو ام ڪي هيڪهه : “ او پڳوونَ! تمي مارو آسيو سو  
 تمي مون نه ڪنرون ٿي پچاوشو  
 مارو پروسو تمون مانه سڻه.”

ايشور تمون نه شڪاريون را توڙا ٿي سڏاوشي،

ان هر نمونا ري مونڏائي ٿي پچاوشي-

زم ڪوڪڙي آيون بشيون نه آيون پينڪڙون هيٺ هٽاڙهه،

تم او تمون نه هر ڪترا ٿي پچاوشي-

او آرا وائيدا رو هاسو سڻه

زم او ڍال ان گهڊ را گهوڙ تمون نه هر ڪترا ٿي پچاوشي

تمي نڪو رات را ڏاڙيلون ٿي پيٽائو،



وشواس ۾ پڪا ٿيا هارو ڪي ڪي ڪروو ڪپڻه؟

هر روز سنت لوقا را لکل پويتر شاستر موئين ٿي هيڪ حصو پڻو، ان پٺيا رڻه توڻه آپ  
 ٿي اي سوئال پونسو؟

1- ايٺا حواله ۾ ڪي لکل سڻه، ان ايٺا رو مطلب ڪي سڻه؟

2- ايٺا حواله موئين ٿي هون پڳوونَ را پارام ڪي ڪي شيڪونه؟

3- ايٺا حواله موئين ٿي هر روز جيونَ را پارام ڪي ڪي شيڪونه؟

(الف) مارڻه ڪي ڪي ناٿوڪا ڪوم ڪروو ڪپڻه؟

(پ) مارڻه ڪيا ڪيا پونڏون ڪومون ٿي شيتنه ريوو ڪپڻه؟

4- شاستر ۾ ڪيا ڪيا حڪم لکل سڻه، جيا مانه مارڻه ويو ڪپڻه، ان پڳوونَ را پاها

ٿي ڪوئي وائيدو سڻه، جيا ٿي مون نه حوصلو زڙهه؟

## هر روز پرائنا ڪروو

پرائنا ڪي سٺه؟

پرائنا ٿي پڳوون ٿي واتون ڪرونهه. تمون نئه اي وات ضرور عجيب لاڳشي. پڻ زم زم  
تمي پرائنا ڪرتا ريشو تم تم تمارا من نئه وٺشي. هر روز ٻڌون ٿي مور پرائنا ڪرو،  
پسئه ڏي ٻڌو من ۾ پڳوون ٿي پرائنا ڪرتا ريو. جئين پڻ ڏوري واتون هومي اوئه، اي  
ٻڌي واتون پڳوون هومي راکو.

هر روز پرائنا ۾ ريوو



1- پڳوون رو ٿورو مونو، ان پڳوون را نوم را  
وڪوڻ ڪرو:

“پريو ايسو ٿي واسطو راکيا ري ڪري هميش  
ڪُش ريو. هون وڙي ڪونه، ڪُش ريو. تمي نرم  
طبيعت ٿي ايوئه نمونئه وو، زم ٻڌون منڪون  
نئه تماري نرمي رئي ڪهر پڙئه. پريو ايسو آيا

واڙو سٺه. ڪيا پڻ وات رئي ڳنٽي مت ڪرو، پڻ هر هيڪ وات ۾ پرائنا ان منت  
ڪرين ٿورو مونين تمي پڳوون ٿي وينتي ڪرو. ان پڳوون ٿي زڙل شونتئي، جئي  
منڪون رون ٻڌون ڪيالون ٿي قائدا واڙي سٺه، تماره ايسو ڪريست ٿي واسطو راکيا  
ري ڪري تمارا من ان تمارا ڪيال هر ڪراپ وات ٿي پچاوين راکشي.”

(فليپون 4: 4-7)

هيڪ منڪ آڀرون ڪراپ ڪيالون ۾ ڦاٽي زائھ، ان آڀرون ڪراپ ڪيالون هوما تنائي زائھ.  
<sup>15</sup> تئيون، جيوئه نمونئه ڏوشي ٿي ٻار پيدا ٿئھ، ان او ٻار موتو ٿئھ، ان نيٺ او ٻار  
مري زائھ، هيوئه نمونئه ڪراپ ڪيالون ٿي ڏوه پيدا ٿئھ، ان او ڏوه وڌتو زائھ، ان  
نيٺ هيا ڏوه ٿي هميش رو موت زڙئھ.”

(يعقوب 1: 12-15)

زئيون تمون نئه ڪهر نٿي، جي ڪي ڪروو

“پورا من ٿي ايشور مانھ پروسو راکو، آڀري عقل نئه مڪمل مت هزمو، هر ڪوم ۾  
پڳوون رئي مرضي گوتو، تو او هاسا مارگ مانھ ويوراوين تماري آڳيووني  
ڪرشي”

(امثال 3: 5-6)

“جي تمون موئين ٿي ڪوڪ ايوو هوئه، جيا نئه ڪهر نٿي پڙئي جي ڪياڪ ڏوروڻ ۾  
ڪيوئه نمونئه پڳوون ري مرضي مانھ ويوو، تو او پڳوون ٿي عقل مونڳئه، ان  
پڳوون، جيو ٻڌون منڪون نئه تونا ڏيدا وگر ڪشي ٿي ڏئھ، اوئا نئه عقل ڏيشي.”

(يعقوب 1: 5)

زئيون تمون نئه ماڦي رئي ضرورت هوئه

“پڻ جي آڀي آڀرا ڪرل ڏوه مونونھ، تو پڳوون آڀرا وائيدا رو هاسو ان انصاف ٿي  
وڍا واڙو سٺه، تيام او آڀون نئه ڏوهون رئي ماڦي ڏيشي، ان هر پوندائي ٿي پويتر  
ڪرشي.”

(يوحنا 1: 9)

“آڀنو مڪ پوزاري ايوو نٿي جيو آڀون هيئون منڪون مانھ قياس نئين ڪرئ، ڪم تو  
آڀنا زم اوئا مانھ پڻ هر نمونا را ڏوه ڪريا را آزمتا آيا. او آڀون جيوو سٺه، روڳو اوئه

2- پڳوونَ ٿي عقل ان هزم مونڳو:

“جي تمون موئين ٿي ڪوڪ ايوو هوئ، جيا ننه ڪهر نٿي پڙتئي جي ڪياڪ ڏوروون ۾ ڪيوئه نمونئه پڳوونَ ري مرضي مانه ويو، تو او پڳوونَ ٿي عقل مونڳئه، ان پڳوونَ جيو ٻڌون منڪون ننه تونا ڏيڏا وڳر ڪشي ٿي ڏئه، اوئا ننه عقل ڏيشي.”  
(يعقوب 1: 5)

2- پڙيو ايسو رئي شائدي ڏيڏا هارو هميش تيار ريو

“پڻ تمي آڀرا من ۾ پڙيو ايسو ڪريست ننه پويتر مونو. ان زئيون ڪئيون منڪ تمون ٿي پڙا پونس ڪرئھ جي تمي ايسو مانه ڪم پروسو راکوه، تو تمي هميش آڀرا وشواس را پارام هر منڪ ننه هزمايا هارو تيار ريو،”  
(1 پطرس 3: 15)

3- پويتر آتما ري هيمنت ٿي شائدي ڏيو

پڻ زئيون پويتر آتما تمون ننه زڙشي، تئيون تمون ننه ڪرا زڙشي، ان تمي يروشلم شهر ۾، پورا يهوديه ملڪ ۾، سامريه علاقا ۾ ان ڌرتي را ڌنگ هوڏي مارا پارام هاڪ پرين همپراوشو!

(مڪ شيلون را ڪوم 8:1)

4- پراٿنا ڪرو، جي پڳوونَ تمون ننه آڀرون ڪومون هارو تيار ڪرئ.

ڏوروون رئه ٿوئنه، اي حوالا تماري مدت ڪرشي:

زئيون آزمتو آوئھ:

“پاڳوازا او سئ، جيا وشواس را آزمتا ۾ ڏوروون صير ٿي سهئھ. ڪم تو وشواس را آزمتا ۾ پورا اوتريا ٿي او پڳوونَ ري نظر ۾ هاسا وشواسي ٿيشي، ان زم مقابل ۾ ڊوڙيا واڙا ننه انصاب ۾ جيت رو تاز زڙئھ، تم اوئون ننه هميش رو چيون زڙشي، جيا رو پڳوونَ اوئون ننه ڏيڏا رو وائيدو ڪريوه جيا اوئا ٿي پريم ڪرئھ.<sup>13</sup> زئيون وشواس را آزمتا ۾ ڪياڪ ننه ڏوه ڪريا رو ڪيال آوئھ، تو اوئا رئه ام نه سوچوو جي “پڳوونَ مارو آزمتو ليڏا هارو مارا من ۾ ڏوه ڪريا رو ڪيال نوڪيوھ.” ڪم تو پڳوونَ را من ۾ ڪراپ ڪيال ڪيڏي نٿي آوتا، ان نڪو او ڪيا رو آزمتو ليڏا هارو ڪيا را من ۾ ڪراپ ڪيال نوڪئھ.<sup>14</sup> پڻ آزمتون ۾ ڏوه ڪريا رو ڪيال ايئا ري ڪري آوئھ، ڪم تو هر

3- زئيون تمي ڪوئي ڏوه ڪرو، تون پڳوونَ ٿي ماڻهي مونڳو:

“جي آڀي ام ڪونه: “امي پيدوهي سون،” تو آڀي آڀرا ڪوڙ ٿي آپ شيترائونھ، ان آڀي هاسا نٿي. پڻ جي آڀي آڀرا ڪرل ڏوه مونونھ، تو پڳوونَ آڀرا وائيدا رو هاسو ان انصاف ٿي وودا واڙو سئ، تيام او آڀون ننه ڏوهون رئي ماڻهي ڏيشي، ان هر پونڌائي ٿي پويتر ڪرشي. جي آڀي پيزون هوما ام ڪونه: “امي ڪئين ئي ڏوه نٿي ڪريو،” تو آڀي پڳوونَ ننه ڪوڙو ڪرونھ ان اوئا رو وچن مونتا نٿي.

(1 يوحنا 1: 8-10)


4- زئيون ڪوئي ڏورو توڻو ڪا ڏوروون هوئ، تون هائي ٻڌو ڪئين پڳوونَ

رئه حوالئ ڪرو، ڪم تون پڳوونَ وائيدو ڪريو، جي او آڀون ننه هيمنت ڏيشي، ان مدت ڪرشي:

“آڀري هر هيڪ ڳنٽي پڳوونَ مانه ساڏو، ڪم تو او تمارو ڪيال ڪرئھ.”

(1 پطرس 5: 7)

## پريو ايسور را پارام پيزون نئه همپراووو



زئيون تمی آپرون کومون ٿي ان ٻوليا ٿي پيزون نئه پريو ايسور رئي شائيدئي ڏيشو، جي پريو ايسو پيرا پيرا ٿي تمارا من ۾ شونتئي سئه تو زم تمی شائيدئي ڏيتا زاشو، تم تمارو وشواس پڪو ٿيتو زاشي، ان شائيدئي ڏيڏا رو کوم هورو ٿيتو زاشي. زئيون پريو ايسو آڀرا پيرهيان شيلا سونديا تئيون اوتون نئه ام ڪيڏو:

“مارا شيلا تين من وونهڙ آوو! تمی مشي ماریا رو کوم ساڏو، ان هون تمون نئه منکون نئه پچايا وازا ناويه.” (متي 19:4)

پريو ايسو ري شائيدئي هارو شاستر را اي حواله تماري مدت ڪرشي:

1. ايوتئه نمونا ٿي وو، جي تمارا جيون ٿي پريو ايسو رئي شائيدئي صاف ڏيڪيام آوتھ

“تمی زبکتا سوجھرا را زم منکون هوما ايوتئه نمونئه وو، زم اوتمارا ناٿوڪا کوم ڏيڪين تمارا آڪاشي ٻاپ پڳوون را وڪوڻ ڪرئ.”

(متي 16:5)

هر روز هوار رئي ايشور رئي پڳتئي ڪروو:

1. هر روز ڪئينڪ توڻو ذاتي پڳتئي هارو راکو، زئيون تمی آپ شاستر ري واتون پٿو،

ان ايشور ٿي واتون ڪرو.

“رات رو هوار ٿيا ٿي گهڻو مور ايسو اونيون ان شهر ٿي نيهرين هونواڙ موئين گيو، ان اوتئه زائين پرائنا ڪري.”

(مرقس 1:35)

2. ايوو وڳ گوتوو، جيئنه ڪاش نه هوتئه.

تمی جهيڙو جهگڙو ساڏين ماڻ ڪرو

ان تمی اي زوڻو ان اوڙڪو زائو

جي هون پڳوون سون. ان ٻڌيون قومون ۾

ان ٻڌا جڳت ۾ مارا وڪوڻ ٿيشي.

(گيت شاستر 46:10)

3. زئيون تمی پرائنا ڪرو، تو هايا پرائنا نئه لکين راکو، ان زئيون پڳوون هايا پرائنا


رو جواپ ڏئه، تئيون هايا نئه پڻ نوت ڪرو.

4. سنت لوقا را لکل شاستر موئين ٿي سلسلا پرموتئه حوالو پئين پورا ڏي ري واتون

ڪوم را پارام پرائنا ڪرو.

5. ڏي ٻڌو اي ياد راکو، جي پڳوون اپون پيرو سئه.

## پوٽر آتما مانھ ڀروسو راکو



ٽي هيڪا ٻيڙا را دشمن سٺه. تيام جيا نائوڪا ڪوم تمي ڪروا ڪروه، او تمي آڀري  
ڪوشش ٿي ڪري نٿي هيڪتا ”

( ڪلتيون 5:16-17 )

4. ڪراڀ ڪومون ٿي شيتتھ ڀاڳو

“ تيام تون اوئون ڪراڀ ڪيالون ٿي شيتي ڀاڳ جيا جوڻي ڀر اوڻه، ڀن اي ڪوشش ڪر  
جي تون ڀڳوون ري وات مانھ وڻه، وشواس راکتھ، ڀريم ڪرڻه، ان اوئون ٻڌون ٿي  
هڀ راکتھ جيا صاف من ٿي ڀريو رو نوم لئھ. ”

( 2 تيمٿيس 2:22 )

5. شيطون ٿي مقابلو ڪروو

“ تيام ڀڳوون را ڪيڏام ريو. شيطون ٿي مقابلو ڪرو، ان او تمون ٿي ڀاڳي زاشي-

( يعقوب 4:7 )

جي تمي ڀڳوون مانھ ڀروسو راکو، تون ڀڳوون تمون نٺه هايا آزمتا ڀر تماري مدت  
ڪرشي، ان تمي آزمتا رو مقابلو ڪري هيڪوه.

پوٽر آتما هر وشواسي ڀيرو رڻه، ان اوئون رڻي مدت ڪرڻه.

1. پوٽر آتما ڀڳوون را ڀارام وڌارڻه شيڪاڙڻه.

ڀريو ايسو ڪيڏو: “ پوٽر آتما، جيو تماري مدت ڪريا واڙو سٺه جيا نٺه ڀڳوون ڀاڳ  
ماري ڪري ميلشي، او تمون نٺه ٻڌي واتون شيڪاڙشي، ان جي ٻڌي واتون مٿين تمون  
نٺه همڀراويھ، او ٻڌي واتون تمون نٺه ياڌ ڪراوشي. ”

( يوحنا 14:26 )

2. پوٽر آتما آڀون نٺه هميش ڪڻه جي آڀڻه ڪي ڪي ڪروو ڪڀه

“ زتا منڪ پوٽر آتما ري مرضي مانھ وڻه، او ڀڳوون را ٻاڙ سٺه. ”

( روميون 8:14 )



مانه راز ڪرڻ، ان جيا پونڌاڻي را پاها را دُوت سڻه. تيام تمى پڳوون رڻي ڏيڌل هر هيمت ليو، زم سكت مُقابلا رڻه توڻه تمى پونڌاڻي رو مُقابلو ڪري هيڪو، ان پڳوون رو ڪيڌل ڪوم پورو ڪرين جيتي هيڪو.

تيام تمى ايون نمونن تيار ٿين اُويو. زم قوچي وڊيا ري تيارى هارو ڪڙيون مانه پتو بوندڻه، تم تمى هاس مانه وو. زم قوچي آپ ننه پچايا هارو هيٺا مانه ڍال جيوتى لو رڻي شينه بوندڻه، تم تمى پڳوون ري وات مانه وو. زم قوچي اڳڙ وڊيا هارو زوڙا پيرڻه، تم تمى ايسو را ڏيڌل هڪ را پارام ڪشي رڻي ڪبر همپڙايا هارو تيار ريو. زم قوچي ايسون ٻڌون پيرڻي ڍال پڻ لڻه زم دشمن را ٻڙتا هر آپ ننه نه لاڳنه پڻ اڻوڪا اوزهمائي زانه، تم تمى وشواس راڪو زم تمى پونڌا شيطون را هر ڏوه ڪرايا وازا حملا ٿي پچي زانو. زم قوچي آپ ننه موت ٿي پچايا هارو لو رو توپلو پيرڻه، تم تمى پڳوون مانه پورو پروسو راڪو جي اُو تمون ننه تارڻ ڏيشي. ان زم قوچي مُقابلا هارو اُپڙي تروڙار لڻه، تم تمى پڳوون را وچن مانه يقين راڪو، جيو شيطون ٿي مُقابلو ڪريا هارو پويتر آتما رو ڏيڌل سڻه. هر وات هارو پراٿنا ان وينتڻي ڪرين هر توڻه پويتر آتما ري مرضي پرموڻه پڳوون ٿي پراٿنا ڪرتا ريو. پراٿنا ڪريا ۾ سجاڳ ريو ان پراٿنا ڪريا رو مت ساڏو، پڻ پڳوون رون ٻڌون سونڍل منڪون هارو پڳوون ٿي منت ڪرين پراٿنا ڪرتا ريو.

( افسيون 6:10-18 )

3- پويتر آتما ري مرضي مانه ويوو شيڪو

“هُون تمون ننه ڪونه جي پويتر آتما ري مرضي مانه وو، ان پسڻه تمى اُپرون ڪراڀ ڪيالون مانه نئين وو. <sup>17</sup> ڪم تو منڪون را ڪراڀ ڪيال پويتر آتما ري مرضي رڻه ڪلاڻ سڻه. ان پويتر آتما رڻي مرضي منڪون رون ڪراڀ ڪيالون رڻه ڪلاڻ سڻه. هائي ٻي

3- پويتر آتما اُپون ننه ڪاترڻي ڏيورائوڻه، جي آبي هاس ۾ پڳوون را ٻاڙ سون “ پويتر آتما آپ اُپون ننه من ۾ يقين ڏڻه جي آبي پڳوون را ٻاڙ سون. هونن زئون آبي پڳوون را ٻاڙ سون، تو لازمي سڻه جي اُپڻو وارثون را زم پڳوون را ٻاڙ هوبا رو حق سڻه، ان اُپون ننه پڳوون رو وائڏو ڪرل هڪ زڙشي. اُپون ننه پڳوون را ٻاڙ ٿين اُو هاڳي حق زڙيوه جيو پڳوون را ڏيڪرا ايسو ڪرست ننه زڙيوه، ڪم تو آبي ايسو را زم ڏڪ سهون، تيام پڳوون اُپون ننه ايسو را زم اُوڻا پيرا آڪاش موئين مون ۾ راڪشي.”

( روميون 8:16-17 )

4- پويتر آتما اُپون هارو پراٿنا ڪرڻه

“ هيوڻه نمونن پويتر آتما پڻ آبي هيوڻي حالت ۾ آبي مدت ڪرڻه. ڪم تو اُپون ننه ڪبر نٿي جي ڪيا هارو ان ڪم ڪرين آبي پراٿنا ڪروو ڪپهه، پڻ زئون آبي من ري واتون ڪي نٿي هيڪتا ان روڳا ڏڪون ۾ نياڪا نوڪونه، تئين پويتر آتما آپ اُپڻا من ري واتون لين اُپون هارو پراٿنا ڪرڻه.”

( روميون 8:26 )

5- پويتر آتما آبي مدت ڪرڻه، تيام آبي وشواس ۾ مضبوط ٿيتا زائون

“هُون تمون ننه ڪونه جي پويتر آتما ري مرضي مانه وو، ان پسڻه تمى اُپرون ڪراڀ ڪيالون مانه نئين وو.”

( گلتيون 5:16 )

6- پويتر آتما اُپون ننه پڳوون را پريم ٿي پريم

“ اي اُپڻو پروسو جي پڳوون اُپون ننه آڪاش ۾ مون ڏيشي، اي پروسو نالو نٿي جيا ري ڪري آبي لازمي مرشون. اُپون ڪن ٿاڻيتي سڻه جي اُپڻو پروسو نالو نٿي، ڪم تو پڳوون اُپون ننه پويتر آتما ڏيڏا ٿي اتو پريم ڪريو جي اُوڻه اُپڻا من ۾ اُپرو ٻڌوڻي پريم ڏيڏو.”

( روميون 5:5 )

## آزمتون تي الهائي مدت زڙهه



### 1- پراٽنا ڪرو

“تمي زاڳنا ريو، ان پراٽنا ڪرو جي تمي آزمتا موئين پورا اوترو. تمي مون نئه ساڏوا تو نٿي ڪرتا، توئي تمي منڪ ٿين هيٺا سو.”

( متي 41:46 )

### 2- وشواسيون رئه شيطون تي مقابلو ڪريا هارو تيار ريو

پڇاڙي ۾ هون تمون نئه ام ڪونه، جي تمي پريو ايسو ٿي واسطو راکيا ٿي ان اوتا ري ڏيڏل طاقت ان ڪرا ٿي هيٺ راکو. زم قوچي آڀرا دشمن ٿي مقابلو ڪريا هارو ٻڌائي ٻڳتر پيرئھ ان هٿيار لئھ، تم تمي پڳوون رئي ڏيڏل هر هيٺ ليو، زم تمي آڀرا چالاڪ دشمن شيطون تي مقابلو ڪرين جيتي هيڪو. ڪم تو جيو مقابلو آڀي ڪرونھ، او منڪون رئه ڪلاڦ نئين، پڻ شيطون ان اوتا را پاها رون ڏوتون رئه ڪلاڦ سئھ، جيا آڪاش ۾ پڳوون رئه ڪلاڦ آڳوونٽي ان اڪٽياري راکئھ، جيا ايٺا اندارا واڙي ڏنيا

## 7- پويتر آتما آڀون نئه پريو ايسو جيو اناوئھ

“ تيام آڀون وشواسيون هارو پڙڏو آڏو نٿي. آڀي تو ٻڌائي پريو ايسو نئه زوئنه ٿڪ ۾ ڏيڪونه، ان اوتا رو زبڪتو سوجھرو ان گھڻو مون آڀون نئه ساوئھ نمونئھ ڏيڪيام آوئھ. هيوئھ نمونئھ پريو ايسو هومو زوئين پريو ايسو را ڏيڏل پويتر آتما ري ڪرا ٿي آڀي ڀڏلتا ڀڏلتا نائوڪام نائوڪا ٿيونھ ان ڏي ئو ڏي پريو ايسو جيو ٿيٺا زائونھ.”

( 2 ڪرنٽيون 18:3 )

## 8- پويتر آتما آڀون نئه هيٺ ڏئھ جي آڀي پيزو نئه پڻ پريو ايسو را پارام

### همپراون

“ پريو ايسو ڪيڏو: “ زئين پويتر آتما تمون نئه زڙشي، تئين تمون نئه ڪرا زڙشي، ان تمي يروشلم شهر ۾، پورا يهوديه ملڪ ۾، سامريه علاقا ۾ ان ڌرتي را ڌنگ هوڏي مارا پارام هاڪ پرين همپراوشو!”

( مک شيلون را ڪوم 8:1 )

” يوحنا ايسو را پارام اي هاڪ پريي “ زئين هون اوتا نئه پويتر سنون ڏي ريو، تئين مئين پويتر آتما نئه پارياو را روپ ۾ اوتا مانھ آڪاش ٿي اوترتون ڏيڪيو ان پويتر آتما اوتا مانھ ريو.”

( يوحنا 32:1 )

شاستر ري هائي واتون پئو، ان هايون مانھ ويچار ڪرتا ريو، ان پويتر آتما نئه موقعو ڏيو جي تمارئھ شاستر ري واتون پئيا ٿي پويتر آتما تمون نئه روز روز آڀرا وس ۾ راکئھ.

تعيون شيطونَ ايسو نئه يروشلم شهر موئين پوگاڙين اوتا نئه پڳوونَ را گهر ري بدون  
ٿي اونسِي جگا مانه اُپاڙين ڪيڏو:

“جي تون پڳوونَ رو ڏيڪرو سئه، تو آپ نئه ايتون نيسو پاڙ، ڪم تو شاستر موئين  
لڪل سئه: پڳوونَ آپرون آڪاشي ڏوتون نئه ٿارئي همپاڙ ڪريا رو ڪيشي، ان او تون  
نئه آپرون هاٿون مانه ليشي، زم تارون پڳون نئه پتر ٿي نه لاڳئه.”

پڻ ايسو اوتا نئه نا پاڙين ڪيڏو:

“پڳوونَ اي پڻ ڪيڏوه: ايشور آپرا پڳوونَ نئه نه آزماوو ڪپئه.”

زئيون شيطونَ بدون نمونون را آزمتا لي ريو، تو او ايسو ڪن ٿي گيو پرو ان آزمتا  
ليڏا را پيزا توڻا رئي وات زووا مڏيو.

( لوقا 14:1-14 )

## 1- پيزون وشواسيون پيزا پڳئي ڪرتا ريو

زئيون تمي پريو ايسو مانه وشواس رکيو، تعيون تمي وشواسي مندري پيزا پري گيا.  
شاستر ۾ لڪل سئه جي زئيون وشواسي ڌرم هاڙ نوو هتو، تعيون “ او مڪ شيلون ٿي  
واتون شيڪتا، پائي ٿين هپ ۾ ريتا، پريو پوزن ليتا، ان پراٿنا ڪرتا ريتا.”

( مڪ شيلون را ڪوم 42:2 )


پويتر شاستر ۾ اي شيڪومڻ سئه جي وشواسيون نئه پيزا ٿين پڳئي ڪروو ڪپئه.

## 2- وشواسيون ري پڳئي ۾ ام ٿهه:

پڳئي ۾ وشواسي هڪا پيزا ٿي پريم هون ملهه، ان هڪ پيزا نئه سئي مارڳ مانه  
وُڍا هارو هيمنت وڌاوه.



“آپي هڪا پيزا رو ڪيال راڪون ان هيوه نمونه  
پريم راڪيا رو ان نائوڪا ڪوم ڪريا رو هڪا پيزا  
رو شونق وڌارون. ان آبي وشواسي مندري ۾ پيزا  
ٿيوو نه ساڏون، زم ڪئينڪ منڪون رو ڍوڻ سئه  
جي او مندري ۾ پيزا نٿي ٿيتا. پڻ آبي هڪا پيزا  
نئه حوصلو ڏيتا ريون. زم زم تمون نئه ڪپر پڙهه  
جي ايسو رئه پاسا آيا رو ڏي ڏوڪڙو اوڻه ريو، تم  
تم تمي هڪا پيزا رو حوصلو وڌارتا ريو.”



( عبرانيون 10:24-25 )

2- وشواسي منڪ ڀڳوونَ ري واتون شيڪڻهه، وشواس ۾ پڪا ٿهه، ان شيوا ڪريا هارو تيار ٿهه.

ايسو ڪريست ايوو هتو جي “ اوهه منڪون نهه توقا ڏيڏا، ” مطلب اوهون نهه ڌار ڌار هيمنت ڏيڏي. اوهه منڪون نهه ڌار ڌار هيمنت ڏين ڪيونڪ نهه مڪ شيلا راکيا، ڪيونڪ نهه ڀڳوونَ رو نياپو ڏيڏا وازا، ڪيونڪ نهه ايسو را پارام ڪشي رئي ڪهر همپويا وازا، ان ڪيونڪ نهه وشواسيون رئي همپاز ڪريا وازا ان شيڪاڙيا وازا راکيا، زم او ڀڳوونَ رون سونيدل منڪون نهه ڀڳوونَ رئي شيوا ڪريا هارو تيار ڪرته، ان اوهون رته شيوا ڪريا ٿي وشواسي منڌري رئي هيمنت وڌهه، جي ايسو ڪريست را ڏيل را زم سته. ان هيوهه نمونهه وشواس راکيا ۾ ان ڀڳوونَ را ڏيڪرا نهه اوڙڪيا ۾ آبي نيٺ هيڪ من ٿيشون، ان آبي نڪون ٻازون جيوو نئين، پڻ زوڻهه موتا ٿين پورته نمونهه هر وات ۾ ايسو ڪريست جيوو ناٿوڪا منڪ ٿيشون.

تئين آبي ٻازون را زم نئين ريون، ان اوهون را زم منڪون ري نڳي، چالاڪي ان ڌوڪا واري واتون هومپرين ايل اول اوهون ريون شيڪاڙل ڪوڙيون واتون مانه نئين زائون. پڻ آڀنهه پريم ٿي هاس مانه ويوو، ان هيوهه نمونهه آبي هر وات ۾ آڀنا ڏئي ايسو ڪريست جيوو ٿيشون. ايسو ڪريست وشواسي منڌري مانه ڏئي سته، زم ماتو ڏيل مانه سته. ماتا را ڪيڏا هيٺ پورو ڏيل هيڪ ٿين آڀ نهه ڏيڏل هر جوڙ ٿي ملل هوڻه، ان هر اوزپا رته آڀرو آڀرو ڪوم ڪريا ٿي ڏيل وڌهه. ان هيوهه نمونهه ايسو ڪريست را ڪيڏا هيٺ پورئي وشواسي منڌري هيڪ ٿين آڀ نهه ڏيڏل هر شيواڌاري ٿي هيمنت لهه، ان هر وشواسي رته آڀرو آڀرو ڪوم ڪريا ٿي منڌري وڌهه ان پريم ٿي پڪي ٿهه.

( افسيون 4:11-16 )

شاستر ۾ ام لکل سته:

“ تمون مانه ڪوئي ايوو ڏوه ڪريا رو آزمتو نٿي آيو، جيو اڳي ٻيرون منڪون مانه نه آيو هوڻه. ان ڀڳوونَ هاسو سته، او تمون مانه ڪئين ايوو ڏوه ڪريا رو آزمتو نئين آوا ڏهه، جيا ۾ پورا اوتريا رئي هيمنت تمون ۾ نئين هوڻه. پڻ آزمتو ليڏا رته توڻهه او تمون هارو آزمتا ۾ پورا اوتريا رئي گهڻي پڻ ناوشي، زم تمي ڏوه ڪريا وگر ڏورون سهي هيڪو.”

( 1ڪرنتيون 13:10 )

پسهه ايسو پويتر آتما ري ڪرا ٿي پرال يردن ڌريا ٿي پاسو آيو. ان پويتر آتما را ڪيڏا ٿي چاليهون ڏيئون هوڏي رڻ موئين ويتو ريو،<sup>2</sup> ان شيطون اوتنا نهه ڀڳوونَ ري مرضي ٿي قبرويا هارو آزماوتو ريو. اوهون ڏيئون موئين ايسو ورت راکين ڪئين نتو کاڌو، ان نيٺ چاليههه ڏي اوتنا نهه الاهي گهڻي پوک لاڳي.

<sup>3</sup> تئين شيطون اوتنا نهه ڪيڏو:

“جي تون ڀڳوونَ رو ڏيڪرو سته، تو ايٺا پوڻا نهه ڪهه جي روڻي ٿي زائهه.”

پڻ ايسو شيطون نهه نا پاڙين ڪيڏو:

“شاستر موئين لکل سته: منڪ روڳو کاڌا ٿي جيوو نئين رته.”

پسهه شيطون ايسو نهه هيڪي اونسِي جگا مانه پوڳاڙيو ان اوتنا نهه هت ٿو هت جڳت را ٻڌائي ملڪ ڏيڪاڙيا، ان ڪيڏو: “ايئون ٻڌون ملڪون رو راز هون تون نهه ڏيهه، ان ايئون را ٻڌائي منڪ ٿارو مون راکشي، ڪم تو ايئون رو راز مون نهه ڏيڏل سته، ان جيا نهه مارو من ڪهه، اوتنا نهه ڏيونهه. تيام جي تون پڳي پڙين ماري پوزا ڪرته، تو اي ٻڌوئي راز ٿارو ٿيشي.” پڻ ايسو اوتنا نهه نا پاڙين ڪيڏو: “شاستر موئين لکل سته: ايشور آڀرا ڀڳوونَ رئي پوزا ڪروو، ان روڳي اوتنا رئي شيوا ڪروو ڪپهه.”

آپڻه هيٺ راکو ڪم تو پڳوونَ آيون نٿه هميش رو جيونَ ڏيشي تيام امي هيٺ نٿي هارتا، ڪم تو پڻه امارا ڏيل رئي وشيت گهٽ ٿيئي زائڻه، توئي پڻ امارا من ۾ هيٺ ڏي ٿو ڏي وڌيئي زائڻه. <sup>17</sup> ڪم تو زئيئي مُصِيپت امي همڻه سهونڻه ربا، امي ام هزمونڻه جي توڙي ان توڙاڪ وڪت هارو سڻه. ڪم تو هايا ري ڪري امون نٿه آڪاش ۾ هميش هُوڏي اتو گهڻو مونَ زڙشي جيا را مُقابلا ۾ اي همڻوڪي مُصِيپت ڪئين نٿي.”

( 2 ڪُرَنٿيون 4:8-17 )

5. آزمتا ۾ پورا اوتريا ٿي آڻڻو وشواس پڪو ٿئڻه

“ عقل راکو، ان هوشيار ريو. زم شينهن هونگر ڪرتون شڪار ري ڳوت ۾ آهڻه پاهڻه ڦرتو رڻه، تم تمارو دشمن شيطونَ تمون نٿه وشواس سڏايا رو وجه ڳوتڻه ريو. تمي پڪو وشواس راکين شيطونَ رو مُقابلو ڪرو، ڪم تو تمون نٿه ڪڀر سڻه جي پوري ڏنيا ۾ تمارا وشواسي پائي تمارا زم هاڳي نمونڻه ڏک وينڻه ربا. پڳوونَ جيو هميش ڪريا ڪرڻه، اُوڻه تمارو آپ ٿي واسطو رکايوه، زم تمي اُوڻا پيرا ايسو ڪريست ٿي واسطو راکيا ري ڪري هميش هُوڏي آڪاشي مونَ ۾ ريو. ان زئين تمي توڙاڪ وڪت هارو ڏک سهيا، تئين پڳوونَ تمون نٿه هڪ ڏيشي، تمارو وشواس پڪو ڪرشي، تماري هيٺ وڌارشي، ان تمون نٿه وشواس ۾ اڏڳ راکشي.

( 1 پطرس 5:8-10 )

زم ڏک تڪليپ رڻه توڻه تمون نٿه پڳوونَ رئي شڪتني، طاقت ان هيٺ زڙڻه تمون نٿه ڪڀر پڙتني زاشي جي ڏوروڻ رڻه توڻه پڻ پڳوونَ اشيرواه ڏئڻه. زئين ڪراپ ڪوم ڪريا رو ڪيال اوڻه تئين تمي ڪم ڪرين آپ را آپ نٿه پچاوشو؟ هائي ڪوئي ٿوئي وات نٿي، جي وشواسيون مانه آزمتا اوڻه.

3. هڪا پيرا رئي شيوا ڪروو ڪپڻه.

“ جيوڻه نمونڻه اپنا هڪا ڏيل را گهڻا اوزيا سڻه ان هر هڪ اوزيا رو آڻو آڻو ڪوم سڻه، هيوڻه نمونڻه آڻي گهڻا منڪ ايسو ڪريست ٿي واسطو راکيا ري ڪري هڪي وشواسي منڌري موئين پيرا ٿين هڪا ڏيل را زم سون، ان آڻت ۾ هڪا ڏيل رون اوزيون را زم سون. پڳوونَ آيون مانه ڪريا ڪريه ان آڻي ڪريا پرموڻه آيون موئين ٿي هر هڪ نٿه ڦرڦر ڦرڦر ڪوم ڪريا رئي هيٺ ڏيئي. جي تمون نٿه پڳوونَ رو نياپو ڏيڏا رئي هيٺ ڏيڏل سڻه، تو اُو نياپو همپراوو جيا را پارام تمون نٿه يقين سڻه جي پڳوونَ را پاها ٿي سڻه. جي تمون نٿه شيوا ڪريا رئي هيٺ ڏيڏل سڻه، تو منڪون رئي شيوا ڪرتا ريو. جي تمون نٿه شيڪاڙيا رئي هيٺ ڏيڏل سڻه، تو منڪون نٿه شيڪاڙتا ريو. جي تمون نٿه حوصلو ڏيڏا رئي هيٺ ڏيڏل سڻه، تو منڪون نٿه حوصلو ڏيتا ريو. جي تمون نٿه گريبون رئي مدت ڪريا رئي هيٺ ڏيڏل سڻه، تو پورا من ٿي اوڻون رئي مدت ڪرو. جي تمون نٿه آڳوونڻي ڪريا رئي هيٺ ڏيڏل سڻه، تو پوري ڪوشش ٿي آڳوونڻي ڪرو. جي تمون نٿه ضرورت وازون رئي مدت ڪريا رئي هيٺ ڏيڏل سڻه، تو ڪشي ٿي اوڻون رئي مدت ڪرو. تمي هاسو پريم راکو. پونڌائي ٿي شيتي پاڳو، ان نائوڪيون واتون مانه ڪشي ٿي وينا ريو. هڪا پيرا ٿي پايون را زم گهڻو پريم راکو. پيزون نٿه آپ ٿي وڌيڪ مونَ ڏيو. هر وات ۾ سستئي نئين پڻ ڪوشش ڪرو. پويتر آتما ري مرضي مانه پورا شوق ٿي وو. پريو ايسو رئي شيوا ڪرتا ريو. پڳوونَ رون ڪرل وائيدون مانه پروسو راکين من ۾ ڪش ٿيو. تڪليپون ۾ ڏوروڻ صير ٿي سهو. هميش پراتنا ڪرتا ريو. پڳوونَ رون سونيدل منڪون رئي ضرورت ۾ مدت ڪرو. مزمونون رئي شيوا ڪرو.

جيا تمون ننه تنگ ڪرڻ، اوتون ننه مت پتو، پڻ اوتون هارو پڳوون ٿي آشيرواڏ مونگڙو. جيا ڪش سٺ، اوتون پيرا ڪش ٿيو. جيا روڻ، اوتون پيرا روڻو. آيت ۾ هيڪ من ٿين ريو. آپ ننه موتا مت هڙمو، پڻ گريبون ٿي پريم هون وو. آپ ننه عقل واڙا هڙمين مگهڙور مت ٿيو.

جيو تمون ٿي پوندائي ڪرڻ، اوتا ٿي تم پوندائي مت ڪرو. ايوا ڪوم ڪرو جيا ٻڌون ننه نائوڪا لاڳهه. تم پڌون منڪون ٿي هپ ۾ ربا رئي پورئي ڪوشش ڪرو، زم، جي پيزا منڪ پڻ هپ راکهه، تو تمارو ان ٻڌون منڪون رو آيت ۾ هپ رنه. پريمي پايون ان بينون، پڌلو ماڳي مت ليو، پڻ سزا ڏيڏا رئي وات پڳوون مانه ساڌو، ڪم تو شاستر ۾ لڪل سٺ:

“ايشور ام ڪهه: پڌلو ليڏا واڙو هون سون.

هون آپ ڏوهون را ايوزام منڪون ننه سزا ڏيهه.”

پڻ تم پام ڪرو زم شاستر ۾ لڪل سٺ:

“جي تمارو ڏشمڻ پوکو هوڻ، تو اوتا ننه روڻي ڪوراوو.

جي او ترهو هوڻ، تو اوتا ننه پوڻي پيتارو.

تماره هم ڪريا ٿي او لازي مرشي،

ان مون آپرئي ڏشمڻي ساڌهه.”

تم پوندائي را پڌلام پوندائي مت ڪرو، ان هيون نموننه پوندائي ننه آپ مانه جيتوا مت ڏيو. پڻ تم پوندائي را ايوزا ۾ پلائي ڪرو، ان هيون نموننه تم پوندائي مانه جيتي زاشو.

( روميون 4:12-21 )

4. آزمتا ۾ پورا اتريا ٿي آبي پريو ايسو ننه پورا من ٿي زوڻونه

“امون هارو ٻڌي وات ۾ مصيبت سٺ، پڻ امي هيمنت نٿي هارتا. امي پريشون

سون، پڻ امي اميد نٿي ساڌتا. <sup>9</sup> منڪ امون ننه تنگ ڪرڻ، پڻ پڳوون امون پيرو

سٺ. منڪ امون ننه مارڻ، پڻ پڳوون امون ننه موت ٿي پچاڻهه. <sup>10</sup> جيوئه نموننه

ايسو موت هڙوڏي ڏڪ سهيا، هيون نموننه امي پڻ موت هڙوڏي هر توڻه ڏڪ سهونه

ريا، زم وات ساوڻي ٿه جي جيوئه نموننه ايسو پڳوون ري ڪرا ٿي هميش جيوٽو

سٺ، هيون نموننه امي پڻ ايٺا حياتي ۾ جيوٽا ايسو ري ڪرا ٿي وونه ريا. <sup>11</sup> ڪم تو

ايٺا حياتي ۾ امي هميش ايسو ري ڪري موت را ڪترا ۾ سون، زم امارا ايٺا ماتي را

ڏيل ۾ جيوٽا ايسو رئي ڪرا ساوڻي ٿه. <sup>12</sup> هيون نموننه امي ايسو را پارام همپرايا

ري ڪري ڏڪ سهونه ان موت را ڪترام سون، پڻ اماره هم ڪريا ٿي تم ايسو مانه

وشواس راکين هميش را جيون را مارڳ مانه ووه ريا.

امي ايوو وشواس راکونه، جيا را پارام شاستر ۾ ام لڪل سٺ:

“مئين پريو مانه وشواس اوڻيو، ان تيام هون ام بوليو.”

هيون نموننه امي پريو ايسو مانه وشواس راکونه، ان تيام امي اوتا را پارام

همپراوونه ريا. <sup>14</sup> ڪم تو امون ننه ڪبر سٺ جي پڳوون، جيتنه پريو ايسو ننه موت

ٿي جيوي اوناڙيوه، او امون ننه پڻ ايسو را زم جيوي اوناڙشي ان آپ ڪن تيڙاوين

تمون پيرا آپ هوما اويڙشي. <sup>15</sup> ڪم تو امي هائي ٻڌائي ڏڪ تمون هارو سهونه ريا،

زم اماره ايسو را پارام همپرايا ري ڪري پڳوون الاهي گهڻون منڪون مانه ڪريا

ڪرڻ، ان هيون نموننه الاهي گهڻا منڪ پڳوون ري ڪريا رو تورو مونين پڳوون را

وڪوڻ ڪرڻ.

2. آزمتا ۾ پورا اُتريا ٿي آڀڻي هيمنت وڌڻه

“ مارون پريمي پايون ان بينون، زئيون فرق فرق ڏوروڻ ري ڪري تمارو وشواس راکيا رو آزمتو ٿڻه، تو هيا ننه گهڻي ڪڻي رڻي وات هڙمو. ڪم تو تمون ننه ڪبر سڻه جي وشواس را آزمتا ۾ پورا اُتريا ٿي تماري هيمنت وڌڻه، زم تمي صير ٿي ڏوروڻ سهو. ڏوروڻ هميش صير ٿي سهو زم تمي صير ڪريا ۾ پڪا ٿي زائو ان ڪيا ٿي پڻ ڏوروڻ ۾ پڳوڻ ري وات مانه وُڍا رو نه ساڏو. هيوئه نموننه تمي پڳوڻ ري مرضي مانه وُڍا ۾ پڪا ٿيشو ان هر وات ۾ ناٿوڪا ٿيشو، ان تمون موئين ڪيا ٿي ناٿوڪي وات رڻي گهٽتائي نئين هوئه.”

( يعقوب 1:2-4 )

3. آزمتا ۾ پورا اُتريا ٿي آڀڻا من ۾ آس پيدا ٿڻه

“ آڀي نه روگا هيا آڪاشي وات مانه ڪش ٿيونه، پڻ ايٺا حياتي ريون تڪليپون ۾ پڻ من ۾ ڪش ٿيونه، ڪم تو آڀون ننه ڪبر سڻه جي تڪليپون سهيا ٿي آڀي شيڪونه جي ڏوروڻ ڪيوئه نموننه صير هون سهو، ان ڏوروڻ صير هون سهيا ٿي آڀي پڳوڻ ننه ڪش ڪرونه، ان پڳوڻ ننه ڪش ڪريا ٿي آڀڻو پڳوڻ مانه پڪو پروسو ٿي زائو. ان اي آڀڻو پروسو جي پڳوڻ آڀون ننه آڪاش ۾ مون ڏيشي، اي پروسو نالو نٿي جيا ري ڪري آڀي لازي مرشون. آڀون ڪن ٿاڀڻي سڻه جي آڀڻو پروسو نالو نٿي، ڪم تو پڳوڻ آڀون ننه پويتر آتما ڏيڍا ٿي اتو پريم ڪريوه جي اوئه آڀڻا من ۾ آڀرو ٻڌوئي پريم ڏيڌو.”

( روميون 5:3-5 )

4. ياد راکيا، جي پڳوڻ رڻي هاسي شيوا ايئون بيئون واتون ۾ سڻه:

(الف) پڳوڻ را وڪوڻ ڪرو

پڳوڻ را نوم مانه نوا گيت ڳاوو،

وشواس راکيا واڙون ري منڌڙي ۾ اوئا را نوم را وڪوڻ ڪرو!”

( گيت شاستر 1:149 )


(ب) پيرون ننه همپواوو، جي پڳوڻ تمون هارو ڪيا ڪيا ڪوم ڪريا.

“ پڳوڻ رو شڪر ڪرو، ڪم تون اوئا رو ٿي پريم هاسو سڻه،

او آڀون هارو الهائي ناٿوڪا ناٿوڪا ڪوم ڪرئو.”

( گيت شاستر 8:107 )

پڪا وشواسي ٿين تماره وشواسي منڌڙي هارو پرائنا ڪروو ڪپڻه، ڌرم ڏون ڏيوو ڪپڻه، ان هر هيڪ ننه پڳوڻ ري ڏيڍل هيمنت پرموئنه وشواسي منڌڙي رون منڪون رڻي مدت ڪروو ڪپڻه.



پڳوونَ آيون نئه ايئا هارو پاپ ان ذهنون را قوضا ٿي سڏايا، جي آبي هڪا پيزا رئي شيوا ڪرون. شاستر ۾ شيوا ڪريا ري الهائي مثالون ڏيڏل سئه، آڻڻو پريو ايسو آپ پيزون رئي شيوا ڪرتا.

“تمي ايوي سوچ راکو جيوي ايسو ڪريست رئي هتي.  
 او پڳوونَ جيوو هتو، پڻ اوئه ام نه هزميو  
 جي هون پڳوونَ هرکو ٿين آڻو قائيدو زوييه.  
 پڻ اوئه آڻو قائيدو هاو ساڏيو،  
 ان منڪ ذات ٿين شيواڌاري جيوو ٿيو.  
 ان منڪ هوتون او گريبي ٿي وويو،  
 ان موت هوڏي، هوڙي مانه مريا هوڏي پڻ،  
 پڳوونَ را ڪيڏام ريو.”

( فلپيون 2:8-5 )



مونڌائي، قرض ان پيزي فرق فرق ڏورووئون ٻڌون مانه اوئه، پلئه تمي پريو ايسو مانه وشواس راکيو هوئه، توئي پڻ ايوا توئا اوئه. زئيون هم ٿئه، تئين ياڏ راکو، جي پويتر شاستر ۾ ايون توئون را پارام پڻ لکل سئه. زئيون تمون مانه آزمتا رو توو اوئه، تئين تمي هزمي زائو جي پڳوونَ رو ڪوڪ کاس مقصد پڻ هوئه:

1. آزمتا را نتيجا ناٿوڪا هوئه

“آيون نئه اي پڻ ڪبر سئه جي دنيا ۾ جئين پڻ ٿئه، پڳوونَ اوئا ٿي آڻو مقصد پورو ڪراوين اوئون منڪون هارو پلائي پيدا ڪرئه، جيا پڳوونَ ٿي پريم ڪرئه ان جيون رو پڳوونَ آڻا مقصد هارو آپ ٿي واسطو راکيوه. ڪم تو جيون منڪون نئه پڳوونَ جگت نايا ٿي مور آپ هارو سونديا، اوئون هارو اوئه مور ٿي پڪو قينصلو پڻ ڪريو جي اوئون نئه آڻا ڏيڪرا ايسو را زم ناوشي، زم پوئيني را ڏيڪرا ايسو را گهڻا پائي ان بينون ٿئه.”

( روميون 8:28-29 )



ڪيا پڻ وات رڻي ڳڻتي مت ڪرو، پڻ هر هيڪ وات ۾ پراڻا ان منت ڪرين ٿورو  
مونين تمهي پڳون ٿي وينتي ڪرو. ان پڳون ٿي زل شونتي، جي منڪون رون  
بتون ڪيالون ٿي قائدا واري سڻ، تماره ايسو ڪريست ٿي واسطو راکيا ري ڪري  
تمارا من ان تمارا ڪيال هر ڪراپ وات ٿي پڇاوين راکشي.

( فلپيون 4:6-7 )

2. تماره اڀري ڳڻتي پڳون هومي راکو ڪپهه

“ اڀري هر هيڪ ڳڻتي پڳون مانه ساڏو، ڪم تو او تمارو ڪيال ڪرڻه.”

( 1 پطرس 5:7 )

3. تماره زوني واتون ويهارين اڳڙ وڏو ڪپهه

“ پايون ان پينون، هون ام نتي هزمتو جي مئين مارو مقصد پورو ڪري ليدوه، پڻ  
هون روگو ام ڪرونه، هون ٿيل واتون ننه ويهارين آيا واريون واتون هارو پوري ڪوشش  
ٿي اڳڙ وڏونه.”

( فلپيون 3:13 )

4. پڳون تمون ننه ڪيڏي پڻ نئين ساڏهه

“ تمهي پيهون رڻي لالچ مت راکو، پڻ جي ڪئين تمون ڪن سڻ، اوڻا مانه ڪش ريو.  
ڪم تو پڳون ام ڪيدوه:

“ هون هميش تون پيرو ريه، ان تون ننه ڪيڏي نئين ساڏون.”

( عبرانيون 13:5 )

5. پڙيو ايسو ٿي واسطو راکيا ٿي تماري هر ڪاپي پوري ٿيشي

ان پڳون، جيا رڻي شيوا هون ڪرونه، او آيرا آڪاشي هڪ پرموئنه تماره ايسو  
ڪريست ٿي واسطو راکيا ٿي تماري هر ڪاپي پوري ڪرشي.

( فلپيون 4:19 )

پڙيو ايسو اڀرون شيلون را پڳ ڏويا، ان اڀون ننه حڪم ڏيدو جي آبي پڻ پڙيو رو نمونو  
زوين پيرو رڻي شيوا ڪرون. پڙيو ايسو آپ ڪيدو:

“ زبون مئين تمارو پڙيو ان ڳرو ٿين تمارا پڳ ڏهوايه، تو هيوئنه نموننه تماره پڻ  
هڪا پيرا رڻي شيوا ساڪري ڪروو ڪپهه.”

( يوحنا 13:14 )

شيوا ڪريا رو توڻو ڪا جگه ڳوتو ڏورو ڪوم نتي، تمهي جيئنه پڻ زوشو اوئنه ڳرپ  
ان ضرورت وارا منڪ هوئنه. زبون تمهي وشواسي منڌري ان قوم واريون رڻي مدت  
ڪروه، تنيون ام هزموو جي تمهي پڙيو ايسو رڻي پڻ شيوا ڪروه ربا.

1. زبون تمهي هيڪ پيرا رڻي شيوا ڪرو، تنيون تمارو وشواس ساوو ڏيڪائنه.

“ ڪم تو پڳون ري ڪريا ري ڪري ايسو مانه وشواس راکيا ٿي تمهي هميش را  
موت ٿي پڇي ڳياھ ان تمون ننه هميش رو جيون زڙيوه. تمهي آپ ننه پڇايم ڪئين  
نتي ڪريو، پڻ پڳون تمون ننه امهي پڇاياه.

پڳون اڀون ننه ايتا وات ري ڪري نتي پڇاياه، جي آبي نائوڪا ڪوم ڪرياه. تيام  
آبي ايتا وات رڻي وڏائي نتي ڪري هيڪتا، جي مئين آپ ننه پڇايوه. ڪم تو اڀون ننه  
پڳون ناياه، زم آبي ايسو ڪريست ٿي واسطو راکين او نائوڪا ڪوم ڪرون، جيا  
پڳون اڳي ٿي اڀنه ڪريا هارو تيار ڪرين راکياه. ( افسيون 2:8-10 )

2. پيزون رڻي مدت ڪروو

پڙيو ايسو ڪيدو: منڪون رنه ليڪنه موتو ڪون سڻ؟ او جيو کاوا بيهنه، ڪا او جيو  
شيوا ڪرڻه؟ منڪ ايتا ننه موتو هزمئنه جيو کاوا بيهنه. پڻ اڀون ۾ هم نتي، هون تون  
شيوا ڪريا واريون تين تمون وسا سون.”

( لوقا 22:27 )

### 3- پيزون رون ڏڪون ۾ پاڳ ليوو

“ زم منڪ هيڪا پيزا رو پار اوڀڙا وٺه، تم تمې هر وات ۾ هيڪا پيزا رڻي مدت ڪرو. ان هيونته نمونته تمې ايسو ڪريست رو حڪم پورو ڪر شو، جي ”هيڪا پيزا ٿي پريم ڪرو.“

( گلتيون 2:6 )


### 4- شيوا رنه هيبلنه پيزو هومئي پڳوون رڻي هاڪ پروو-

“ هون آزاده سون ان ڪيا منڪ را قوضام نٿي، توڻي پڻ هون ٻڌون منڪون رڻي شيوا ڪريا هارو زونته ٻڌون رو ڳلوم ٿيو، زم وڌارنه گهڻون منڪون ننه وشواس رڪاوون. يهودي قوم وازون ڪن هون اوئون را زم يهودي قوم را نمونا مانه وويدو، زم يهوديون ننه وشواس رڪاوون. هون تو موسي رون لڪل حڪمون ٿي آزاده سون، توڻي پڻ جيا موسي رون لڪل حڪمون مانه وويدا وازا سنه، اوئون ڪن هون اوئون را زم موسي رون لڪل حڪمون مانه وويدو، زم موسي رون لڪل حڪمون مانه وويدا وازون ننه وشواس رڪاوون.

ڌاري قوم وازا جيا موسي رون لڪل حڪمون مانه نٿي وبتا، اوئون ڪن هون اوئون را زم موسي رون لڪل حڪمون مانه نه وويدو، زم موسي رون لڪل حڪمون مانه نه وويدا وازون ننه وشواس رڪاوون. هون تو پڳوون رون حڪمون رنه ڪلاڻ نه وويدو، پڻ ايسو ڪريست را ڏيڏل پريم راکيا را حڪم مانه وبتو ريو.

جيا وشواس راکيا ۾ ڪمزور سنه ان اڳلوڪا ڌرم ريون واتون مانه شڪ ڪرڻه، اوئون ڪن هون اوئون را زم اوئون رو من صاڻ راکيا هارو وونه، زم جيا وشواس راکيا ۾ ڪمزور سنه، اوئون ننه وشواس رڪاوون. هون ٻڌون منڪون هارو اوئون ٻڌون را نمونا

### هواروڪي واتون هوار هارو سنه



گهڻا منڪ آيا واريون مصيبتون را پارام سوچنه، ان ڳڻتيون ۾ پڙي زانهه- پڻ تمارنه ڳڻتي نه ڪروو ڪپنه، ان هر روز پڳوون ٿي پرائتا ڪرين اوئا ري طاقت پرمونته ويوو ڪپنه

“پريو ايسو ام ڪيدوه: ”مارئي ڪرل ڪريا تون هارو گهڻي سنه، ڪم تو زئيون منڪ ۾ آبري هيمنت نٿي، تنيون مارئي ڪرا پورنه نمونته ساوڻي تنه.“ تيام هون گهڻي ڪشي ٿي آبرا پارام او واتون ڪيه جيون ٿي ٿاپي تنه جي مون ۾ آبري هيمنت نٿي، زم ايسو ڪريست رڻي ڪرا مون ننه همپاڙين راکنه.“ ( 2 ڪرنتيون 9:12 )

ڳڻتي ڪريا را پارام شاستر را ۾ ام لڪل سنه:

“ تيام ڳڻتي مت ڪرو جي هوار جي ٿيشي، ڪم تو هواروڪي واتون هوار هارو سنه. ( آزوڪا ڏي ري تڪليپون آز هارو گهڻي سنه. ) ” ( متي 34:6 ) روز پڳوون ري مدت ٿي، ان طاقت ٿي پڳوون ري وات مانه وو پڳوون ٻڌو ڪئين ڪري هيڪه.

اي واتون من ۾ راکو:

1- “ ڳڻتي ڪريا ٿي ڪوئي ڦاڻيو نٿي، پڻ پرائتا ڪريا ٿي الهائي ڦاڻيدا سنه

پتاڙ، ان نڪو ٻيڙي ڪوئي پڻ شينھ، پوري ڏنيا ۾ ايوو ڪئين نٿي جي آيون نٿو ڀڳوون  
را پريم ٿي ڌار ڪري هيڪڙھ، جيو پريم آڻيا پرڻو ايسو ڪريست ري ڪري آيون نٿو  
زڙڻھ. ( روميون 8:35-39 )

4. ڀڳوون آڀري طاقت ان شڪتي ٿي آيون نٿو همپاڙڻھ

“ڀڳوون را وڪوڻ ٿئھ، جيو آڻيا پرڻو ايسو ڪريست رو ڀڳوون ان ٻاپ سٺھ! اوڻھ آڀري  
گهڻي ڪريا پرموڻھ ايسو ڪريست رٿه مرلون موئين ٿي جيوي اونيا ٿي آيون نٿو آڀرا  
ٻاڙ ناوين نوو جيون ڏيڏوھ، ان آيون نٿو پڪو پروسو ڏيڏوھ جي او آڀرو وائڏو پورو  
ڪرشي. تمھي هوڻھ ڀڳوون را ٻاڙ ٿياھ، ان ڀڳوون تمون نٿو او ٻڌوئي ڪئين ڏيشي  
جيا را پارام اوڻھ وائڏو ڪريوھ. او تمون نٿو ايوو هڪ ڏيشي جيو ڪيڏي ڪٿم نئين  
ٿئھ، ڪيڏي ڪراڻ نئين ٿئھ، ان ڪيڏي گهٽ نئين ٿئھ. ان هائي هڪ تمون هارو  
آڪاش ۾ راکل سٺھ. ڀڳوون زوڻئھ تمون مانھ پاهرو ڏين آڀري ڪرا ٿي تماري همپاڙ  
ڪرڻھ، زم تمون نٿو ايسو مانھ وشواس راکيا ري ڪري تارڻ زڙڻھ. ان هائي تارڻ ڏنيا  
ري پچاڙي را توڻا مانھ ساوو ڪريا هارو ڀڳوون تيار راکيوھ.

( 1 پطرس 1:3-5 )

تمھي ماڻيا حوالا را پارام ڏيون ڏين ويچارو، ان جيڪيڏي من ۾ شڪ شوٻو هوڻھ، تون  
هايون شڪ ريون واتون نٿو مت مونو، ڪم تون ڀڳوون رو وچن هاسو سٺھ. ان هايا ۾  
لڪل سٺھ، جي ڀڳوون تمون نٿو تارڻ ڏيڏوھ، ان ڀڳوون آڀ تماري همپاڙ ڪرشي.  
تيام تماري ڀڳوون را وچن مانھ ڏيون ڏيوو ان هايا نٿو مونوو.

اي وات من ۾ راکو:

پويتر شاستر ۾ ڀڳوون ري واتون لڪل سٺھ، ان هون هائي واتون من ٿي مونونھ، تيام  
مارو وشواس پڪو سٺھ.

مانھ وودا واڙو ٿيوھ، زم ڪيوڻھ پڻ نمونئھ ڪيونڪ منڪون نٿو ڏوهون ري سزا ٿي  
پچاوون.

هائي ٻڌوئي ڪئين هون ايسو را پارام ڪشي ري ڪٻر هارو ڪرونھ، زم هون ٻيڙون نٿو  
هايا ڪشي ري ڪٻر مانھ يقين رکاوون ان اوڻون پيڙو هايا ۾ وائڏو ڪرل آڪاشي هڪ  
ليون.


( 1 ڪرنٿيون 9:19-23 )

5. ٻيڙون منڪون رٿي شيوا ڪرين هايون رٿي آڳيوون ٿي ڪرو

پرڻو ايسو ڪيڏو. “جيو تمون موئين موتو ٿيو ڪرڻھ، اوڻا رٿه تماري شيوا ڪريا  
واڙو ٿيوو. ان جيو تمون موئين آڳيوون ٿيو ڪرڻھ، اوڻا رٿه زوڻئھ ٻڌون رو ڪلوم ٿيوو.  
ڪم تو هون منڪ ذات رو ڏيڪرو پڻ ايٿا هارو نٿي آيو، جي منڪ مارئي شيوا ڪرڻھ.  
پڻ ايٿا هارو آيوھ، جي هون ٻيڙون رٿي شيوا ڪرون، ان مارو جيو ڀڳوون را نوم مانھ  
ڏيون زم الاهي گهڻون منڪون نٿو ڏوهون رٿي ماڻي زڙڻھ.”

( مرقس 10:43-45 )

جي ٽمي پيٽائو، ڪا تمارو وشواس ڪمزور هوئ، تون تمارو وشواس  
ڪم ڪرين مضبوط ٿيڻي؟



ڪيڏيڪ ڪيڏيڪ تمار من ۾ شڪ آوشي، جي “شايد پڳوون مڻن نٿه آڀرو ٻار نئين  
مونته. ” هائي وات هاسئي نٿي توئين پڻ شيطان ضرور تمارا ڏوه ڪاڏشي، ان تمارا  
وشواس ۾ شڪ اوڻشي. زئيون هم ٿهه، ياڌ راکيا جي نائوڪا ان پلائي ڪريا ٿي تارڻ  
نٿي زڙتو. پڻ پريو ايسو هوري مانه آڀرو جيو ڏيڌو، اُو آڀون ڪرل ڏوهون ري ماڻي  
هارو ٻليڏون ٿيا، تيام آڀون نٿه تارڻ زڙبوھ.

ياڌ راکو:

1. تمون نٿه ماڻي زڙي، ان ڏوهون ٿي آزاد سو

“ ايسو ٿي واسطو راکيا ري ڪري آڀي ايسو رٿه آڀرو جيو ڏيڌا ٿي ڏهون را قوضا ٿي  
آزاد ٿياھ، مطلب آڀون نٿه آڀون ڏوهون رٿي ماڻي زڙيھ. هائي ٻڌي وات پڳوون ري  
موتني ڪريا پرموتنه ٿيھ. ”

( افسيون 8:1 )

2. پڳوون آڀ آڀي هٿي ڪرڻه

پريو ايسو ڪيڌو: “ زم ريون آڀرا ڌراڙ رو هاڏ اوڙڪهه ان اوئا رو مونته، تم مارا منڪ  
ماري واتون مونته. ان هون اوئون نٿه اوڙڪونه، ان او مڻ وونهه وٿه.  
28\ هون اوئون نٿه هميش رو جيون ڏيونه، اوئون رو هميش رو موت ڪيڏي نئين  
ٿه. او ماري هٿي ۾ ريشي، ان ڪوئي اوئون نٿه مڻ ٿي ڪوهشي نئين.  
29\ مارو ٻاپ جيئنه اوئون نٿه ماري هٿي ۾ ڏيڌاھ، او ٻڌون ٿي موتو سٿه، ان  
ٻاپ ري هٿي ٿي ڪوئي اوئون نٿه ڪوهي نٿي هڪتو. ”

( يوحنا 10:27-29 )

3. پڳوون تمون ٿي پريم ڪرڻه، تيام تمون نٿه ڪئين نئين ٿهه.

“ آڀون نٿه ايسو ڪريست را پريم ٿي ڪوڻ ڌار ڪري هيڪهه؟ پلنه آڀون نٿه ڏڪ  
تڪليپ آوٿه، ڪا منڪ آڀون نٿه تنگ ڪرڻه، ڪا پوکي مرون، ڪا اتا گريپ هوئون  
جي لوگهڙا ٿي نه زڙه، ڪا آڀون نٿه ڪترو هوئ، ڪا منڪ آڀو ڪون ڪرڻه، توئي پڻ  
آڀون نٿه پوري ڪاتري سٿه جي ايسو ڪريست آڀون ٿي پريم ڪرڻه. هائي ٻڌي واتون  
آڀون پڳوون رون شيواڌاريون ٿي تو ضرور ٿيڻي، ڪم تو شاستر ۾ لڪل سٿه:

“تمارئي شيوا ڪريا ري ڪري

امي هر وڪت موت را ڪترام هوئونھ.

زم ريون نٿه هلاليا جيوي هزمته،

تم منڪ امون نٿه نمو ماريا جيوا هزمته. ”

توئي پڻ هايون ٻڌون ڏڪون ۾ آڀي هيمنت نٿي هارتا، پڻ ايسو ري ڪري، جيئنه آڀون ٿي  
پريم ڪريوه، آڀي هايون مانه جيتونه. ڪم تو مڻ نٿه پڪي ڪاتري سٿه جي نڪو  
موت نڪو حياتي، نڪو پڳوون را پاها را آڪاشي ڏوت نڪو شيطان را پاها را پوت،  
نڪو همٿوڪي واتون نڪو آيا واري واتون، نڪو ڪوئي پڻ طاقت، نڪو آڪاش نڪو